

तेरे बिना ना रोटी भावे सुण खाटू आले



ज्यूँ-ज्यूँ ग्यारस नीडे आवै,
याद कसूती आवै,
रै सुण खाटू आले,
तेरे बिना ना रोटी भावे,
रै सुण लीले आले,
तेरे बिना ना रोटी भावै।

बैरण नींद आवै कोन्या,
पीछे मेरे पड़रह्या तू,
क्यूकर मैं भुलाऊं तन्ने,
भीतर ले में बड़रह्या तू,
सुपणे में भी खाटू दिखै,
साबत रात जगावै,
रै सुण खाटू आले,
तेरे बिना ना रोटी भावै,
रै सुण लीले आले,
तेरे बिना ना रोटी भावै।

कालजे मैं म्हारै बाबा,
उठ रही हुक सी,
तेरी याद की या दिल पै,
लागै सै बंदूक सी,
कामकाज मैं जी ना लागै,
तेरी याद सतावै,
रै सुण खाटू आले,
तेरे बिना ना रोटी भावै,
रै सुण लीले आले,
तेरे बिना ना रोटी भावै।

ग्यारस पै मिली या चिट्ठी,
तेरे मेरे मेल की,
आजा-आजा बोलै सीटी,
खाटू आली रेल की,
घड़ी-घड़ी न्यू लागै के,
तू हेल्ला मार बुलावै,
रै सुण खाटू आले,

समस्त भजनों के लिरिक्स और विडियो बिना इन्टरनेट के भी आपका मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



रै सुण लीले आले,
तेरे बिना ना रोटी भावै।bd।

एकले का जी ना लागै,
बैठया सोचू कोली मैं,
खाटू के मैं आ के खेलूं,
भगतां से होली मैं,
जे नहीं बुलाया मन्ने,
दुनिया तेरी हंसी उडावै,
रै सुण खाटू आले,
तेरे बिना ना रोटी भावै,
रै सुण लीले आले,
तेरे बिना ना रोटी भावै।bd।

श्याम रंग आली बाबा,
चूदड़ी मैं ओढूं जी,
इब तो मैं बाबा तेरा,
पिंड कोन्या छोड़ूं जी,
छोड़ के दुनियादारी “नरसी”,
भजन तेरे ही गावै,
रै सुण खाटू आले,
तेरे बिना ना रोटी भावै,
रै सुण लीले आले,
तेरे बिना ना रोटी भावै।bd।

ज्यूँ-ज्यूँ ग्यारस नीडे आवै,
याद कसूती आवै,
रै सुण खाटू आले,
तेरे बिना ना रोटी भावे,
रै सुण लीले आले,
तेरे बिना ना रोटी भावै।bd।

लेखक व गायक – श्री नरेश “नरसी” जी फतेहाबाद ।
भजन प्रेषक – प्रदीप सिंघल (जीन्द वाले) ।
